



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Broj: 01/14-02-477/25-1
Sarajevo, 25.02.2025. godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 26-02-2025			
Org. jed.	Broj	Priloga	Vrijednost

Dana 25.02.2025. godine održana je 29. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Razmatranje prijedloga zaključaka sa tematske sjednice Fiskalna reforma u Federaciji BiH.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24), Odbor podnosi sljedeći:

IZVJEŠTAJ

Ad-1. Razmatranje prijedloga zaključaka sa tematske sjednice Fiskalna reforma u Federaciji BiH

Odbor za ekonomsku i finansijsku politiku u saradnji sa predsjedavajućim Predstavničkog doma Parlamenta Federacije BiH je održao tematsku sjednicu o temi Fiskalna reforma u Federaciji BiH na kojoj su učestvovali predstavnici Vlade Federacije BiH, privrednici, predstavnici međunarodnih organizacija, Udruženja poslodavaca FBiH, Udruženja ugostitelja FBiH, predstavnici Vanjskotrgovinske komore BiH, zastupnici, zastupnice, mediji, predstavnici Ekonomsko – socijalnog vijeća, predstavnici Samostalnih sindikata u Federaciji BiH i drugi relevantni subjekti.

Na tematskoj sjednici upriličena su uvodna izlaganja i diskusije tokom kojih su učesnici iznijeli svoje konstruktivne prijedloge, primjedbe i sugestije kao i određene zaključke.

Odbor je veoma detaljno pristupio razmatranju svih prijedloga zaključaka sa tematske sjednice o temi Fiskalna reforma u Federaciji BiH i jednoglasno podržao sljedeće:



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

ZAKLJUČKE

1. Odbor za ekonomsku i finansijsku politiku Predstavničkog doma Parlamenta Federacije BiH traži od Vlade Federacije BiH da u roku od 30 dana dostavi sveobuhvatnu analizu efekata Odluke o minimalnoj plati od 30.12.2024. godine.
2. Zadužuje se Vlada Federacije BiH da donese kompletan program i dinamiku provođenja fiskalnih reformi u Federaciji BiH, uključujući procjenu efekata fiskalne reforme po ukupno društvo, naročito po ostvarivanju ekonomsko – socijalne ravnoteže između radnika, poduzetnika i Budžeta Federacije BiH.
3. Zadužuje se Vlada Federacije BiH da u okviru Nacrta zakona o izmjenama i dopunama Zakona o doprinosima Federacije BiH isti dopuni na način da se spuštaju zbirne stope doprinosa za dodatnih 5% uz napomenu da to važi od 1.1.2026. godine.
4. Odbor za ekonomsku i finansijsku politiku se obavezuje da će nastaviti sa održavanjem tematskih sjednica na temu fiskalnih i ekonomskih reformi u Federaciji BiH i da će u narednim sjednicama dodatno dopuniti zaključke sa tematske sjednice o Fiskalnoj reformi u Federaciji BiH.

Za izvjestioca Odbora određen je Admir Čavalić, predsjednik Odbora za ekonomsku i finansijsku politiku.

PREDSJEDNIKA ODBORA

Admir Čavalić